

豫章叢書

第卅一冊

松漠紀聞

丁卯冬月
于南昌復廬

欽定四庫全書提要卷五十一 史部

松漠紀聞一卷續一卷

兩淮鹽政
採進本

宋洪皓撰皓字光弼鄱陽人政和五年進士建炎三年以徽猷閣待制假禮部尚書爲大金通問使既至金人迫使仕劉豫皓不從流遞冷山復徙燕京凡留金十五年方得歸以忤秦檜貶官安置英州而卒久之始復徽猷閣學士謚忠宣事蹟具宋史本傳此書乃其所紀金國雜事始於留金時隨筆纂錄及歸懼爲金人搜獲悉付諸火旣被譴謫乃復追述一二名曰松漠

紀聞尋有私史之禁亦祕不傳紹興末其長子
适始校刊爲正續二卷乾道中仲子遵又增補
所遺十一事明代吳琯嘗刻入古今逸史中與
此本字句閒有異同而大略相合皓所居冷山
去金上京會監府纔百里又嘗爲陳王延教其
子故於金事言之頗詳雖其被囚日久僅據傳
述者筆之於書不若目擊之親切中閒所言金
太祖太宗諸子封號及遼林牙達什北走之事
皆與史不合又不曉音譯往往譌異失真然如
叙太祖起兵本末則遼史天祚紀頗用其說其

熙州龍見一條金史五行志亦全采之蓋以其
身在金庭故所紀雖真贗相參究非鑿空妄說
者比也

松漠紀聞

宋 鄱陽洪皓撰

女真卽古肅慎國也東漢謂之挹婁元魏謂之勿吉
隋唐謂之靺鞨開皇中遣使貢獻文帝因宴勞之使
者及其徒起舞於前曲折皆爲戰鬪之狀上謂侍臣
曰天地閒乃有此物常作用兵意其屬分六部有黑
水部卽今之女真其水掬之則色微黑契丹目爲混
同江其江甚深狹處可六七十步闊處百餘步唐太
宗征高麗靺鞨佐之戰甚力駐蹕之敗高延壽高惠
真以眾及靺鞨兵十餘萬來降太宗悉縱之獨坑靺

鞞三千人開元中其酋來朝拜爲勃利州刺史遂置
黑水府以部長爲都督刺史朝廷爲置長史監之賜
府都督姓李氏訖唐世朝獻不絕五代時始稱女真
後唐明宗時嘗寇登州渤海擊走之其後避契丹諱
更爲女直俗訛爲女質居混同江之南者謂之熟女
真以其服屬契丹也江之北爲生女真亦臣於契丹
後有酋豪受其宣命爲首領者號太師契丹自賓州
混同江北八十餘里建寨以守予嘗自賓州涉江過
其寨守禦已廢所存者數十家耳

女真酋長乃新羅人號完顏氏完顏猶漢言王也女

真以其練事後隨以首領讓之兄弟三人一爲熟女
真酋長號萬戶其一適他國完顏年六十餘女真妻
之以女亦六十餘生二子其長卽胡來也自此傳三
人至楊哥太師無子以其姪阿骨打之弟諡曰文烈
者爲子其後楊哥生子闡粹乃令文烈歸宗

金主九代祖名龕福追諡景元皇帝號始祖配曰明
懿皇后八代祖名訛魯追諡德皇帝配曰思皇后七
代祖名佉海追諡安皇帝配曰節皇后六代祖名隨
闡追諡定昭皇帝號獻祖配曰恭靖皇后五代祖享
堇名實魯追諡成襄皇帝號昭祖配曰威順皇后高

祖太師名胡來追諡惠桓皇帝號景祖配曰昭肅皇
后曾祖太師名核里頗追諡聖肅皇帝號世祖配曰
翼簡皇后曾叔祖太師名蒲刺束追諡穆憲皇帝號
肅宗配曰靜宣皇后曾季祖太師名楊哥追諡孝平
皇帝號穆宗配曰貞惠皇后伯祖太師名吳刺束追
諡恭簡皇帝號康宗配曰敬僖皇后祖名旻世祖第
二子咸雍四年歲在戊申生卽阿骨打也滅契丹諡
大聖武元皇帝號太祖同母弟二人長曰吳乞買次
曰撒也阿骨打卒吳乞買立更名晟諡文烈皇帝號
太宗配曰明德皇后今主名亶阿骨打之孫繩果之

子繩果追諡景宣皇帝直之配曰屠姑坦氏

阿骨打八子正室生繩果於次爲第五又生第七子
乃燕京留守易王之父正室卒其繼室立亦生二子

長曰二太子爲東元帥封許王南歸至燕而卒次生

第六子曰蒲路虎爲充王太傅領尙書省事長子固

礪

力本切

側室所生爲太師涼國王領尙書省事第三

曰三太子爲左元帥與四太子同母四太子卽兀朮

爲越王行臺尙書令第八子曰邢王爲燕京留守打

毬墜馬死自固礪以下皆爲奴婢繩果死其妻爲固

礪所收故今立養於固礪家及吳乞買卒其子宋國

王與固礪粘罕爭立以今主爲嫡遂立之

吳乞買乙卯年卒長子曰宗磐爲宋王太傅領尙書

省事與滕王虞王皆爲悟室所誅次日賢爲沂王燕

京留守次日滕王虞王袁王撒也稱摺

鄔感板摺板切彼云

大李極烈吳乞買時爲儲君嘗謀盡誅南人

闕粹封魯王爲都元帥後被誅其子太拽馬亦被囚

因赦得出庶子烏拽馬名勛字勉道今爲平章

粘罕者吳乞買三從兄弟名宗幹小名烏家奴本日

粘漢言其貌類漢兒也其父卽阿盧里移賚粘罕爲

西元帥後雖貴亦襲父官稱曰阿盧里移賚李極烈

都元帥李極烈彼云大官人也其庶弟名宗憲字吉甫好讀書甚賢

悟室者女真人悟作鄔音或云悟失名希尹封陳王爲左相誅宋充膺虞凡七十二王後爲兀朮族誅

回鶻自唐末浸微本朝盛時有入居秦川爲熟戶者女真破陝悉徙之燕山甘涼瓜沙舊皆有族帳後悉羈縻於西夏唯居四郡外地者頗自爲國有君長其人卷髮深目眉脩而濃自眼睫而下多虬髯土多瑟瑟珠玉帛有兜羅縣毛氍毹錦注絲熟綾斜褐藥有膾腩臍硃砂香有乳香安息篤耨善造寶鐵刀劒烏

金銀器多爲商賈於燕載以橐駝過夏地夏人率十而指一必得其最上品者賈人苦之後以物美惡雜貯毛連中毛連以羊毛緝之單其中兩頭爲袋以毛繩或線封之有甚麤者有間以雜色毛者則輕然所征亦不貲其來浸熟始厚賂稅吏密識其中下品俾指之尤能別珍寶蕃漢爲市者非其人爲僧則不能售價奉釋氏最甚共爲一堂塑佛像其中每齋必刲羊或酒酣以指染血塗佛口或捧其足而鳴之謂爲親敬誦經則衣袈裟作西竺語燕人或俾之所禱多驗婦人類男子白皙著青衣如中國道服然以薄青紗幕首而見其面其居秦川時女未嫁者

先與漢人通有生數子年近三十始能配其種類媒
妁來議者父母則曰吾女嘗與某人某人昵以多爲
勝風俗皆然其在燕者皆久居業成能以金相瑟瑟
爲首飾如釵頭形而曲一二寸如古之笄狀又善結
金線相瑟瑟爲珥及巾環織熟錦熟綾注絲線羅等
物又以五色線織成袍名曰尅絲甚華麗又善燃金
線別作一等背織花樹用粉繳經歲則不佳唯以打
換達艱辛酉歲金國肆青皆許西歸多留不反今亦
有目微深而髯不虬者蓋與漢兒通而生也

嵬熱者國最小不知其始所居後爲契丹徙置黃龍

府南百餘里曰賓州州近混同江卽古之粟末河黑
水也部落雜處以其族類之兵爲千戶統之契丹女
眞貴游子弟及富家兒月夕被酒則相率攜尊馳馬
戲飲其地婦女聞其至多聚觀之閒令侍坐與之酒
則飲亦有起舞歌謠以侑觴者邂逅相契調謔往反
卽載以歸不爲所顧者至追逐馬足不遠數里其攜
去者父母皆不問留數歲有子始具茶食酒數車歸
寧謂之拜門因執子壻之禮其俗謂男女自媒勝於
納幣而昏者飲食皆以木器好賓壘他人欲其不驗
者乃三彈指於器上則其毒自解亦閒有遇毒而斃

者族多李姓子頃與其千戶李清相知靖二子亦習
進士舉其姪女嫁爲悟室子婦靖之妹曰金哥爲金
主之伯固礪側室其嫡無子而金哥所生今年約二
十餘頗好延接儒士亦讀儒書以光祿大夫爲吏部
尙書其父死託字文虛中高士談趙伯璘爲誌高宇
以趙貧命趙爲之而二人書篆其文額所濡甚厚曾
在燕識之亦學弈象戲點茶靖以光祿知同州冒墨
有素今亡矣其論議亦可聽衣制皆如漢兒

渤海國去燕京女眞所都皆千五百里以石果城足
東並海其王舊以大爲姓右姓曰高張楊竇烏李不